

# A 25

## INDARKERIA MATXISTAREN AURKAKO NAZIOARTEKO EGUNA

EMAKUMEEN  
AURKAKO  
INDARKERIARI



AZAROAK 25



Tratu txarren biktima diren emakumeentzako arreta soziala, psikologikoa eta zerbitzu juridikoa.

946 200 492



Durangaldeko  
Mankomunitatea  
Mancomunidad  
de Durangaldea

# “Ondo dago norbanakoek laguntzea, baina beharrezkoa da instituzioek ere laguntzea”

Julene Illarramendiren ama minbiziak jota hil zen berak hogeitau urte zituen; hamar urteko prozesuan ikasitakoagaz Inurri elkarteak sortu zuen, osasun sistemaren gabeziak betetzeko



Eva Elexpuru eta Julene Illarramendi ama-alabak.

Bai, tabu handia da. Beti egiten da ekuazio bera: minbizi berdin heriotza. Egia esan, geroago eta gehiago berba egiten da gaiari buruz. Hori igarri dut nik, behintzat, amari minbizi detektatu ziotenetik hona. Minbizi oso kontu negatiboekin lotzen da, eta normala da, *putada* bat delako. Baina beldur horietatik tabuak sortzen dira, eta horrek minbiziak eragiten dituen beste mila kontu ere tabu bihurtzen ditu; adibidez, ingurukoak, edo tratamendua bera, informazio falta handia dagoelako. Eta horrek arazoa handiagotu egiten duela esango nuke.

**Urteotan jende askok jo izan du zuegan. Zer behar dute, edo zer eskertzen dute?**

Inurri alor ugari ikutzen dugu, baina garrantzitsuena akonpainamendua dela ikusi dugu. Gaixoa bakarrik ez sentitzea, eta norbait beragaz egotea. Gu ez gara laguntzaile profesionalak, minbizi bizi edo inguruan bizi izan dutenak baino ez gara, eta ez dugu errezetarik, baina, askotan, hor egotea, ondoan egotea, nahikoa izaten da: bere dudak entzutea, konpartitzea, whatsapppeko mezu soil bati erantzutea; adibidez, "Bihar operatu egingo naute, zer egin dezaket?". Horixe da Inurri. Guk diogun moduan, Inurri tribu bat da, espazio segurua bat eskainiko duen tribu, taburik eta eparirik bakoa. Bizipenak partekatzea, eta minbizi duenari ulertzea eta laguntzea da gure helburua. Hizkuntza berbera erabiltzen dela sentitzeko aukera ere eskaintzen da.

**Zein hartu-eman duzue erakundeekin?**

Badaude beste elkarte batzuk, lan handia egiten dutenak, baina gu ez gara eurekin hainbeste identifikatzen. Inurri nahiko eraldatzailea da, egiten dugun dena feminismoaren ikuspegitik egiten ahalegintzen gara. Izan ere, alde horretatik ikusi genituen gabeziak. Bakoitzak erabaki behar du nondik jo edo zein laguntza eskatu, jakina, baina, egia esan, ez zegoen Inurriaren moduko elkarerik. Ez diegu beste erakundeei lekuri kentzen, baina guk egiten dugun honetan sinesten dugu. Instituzioek hainbat gabezia dute, eta, alde horretatik, egurra ematen diegu. Adibidez, gaixoen informazio gabezia izugarria dute. Itzelak dira batzuetan egiten dizkiguten galderak! Askotan esaten diegu ea zelan ez dieten medikuek erantzun galdera horiei. Egundoko gabezia dagoela ikusten dugu. Beharbada, horixe izango da gure elkarte hainbeste haztearen gaikoetariko bat. Lasarten hasi ginen, baina egunean emakume berri bi ipintzen dira gugaz hartu-emanetan. Hori asko da. Apur bat gainezka gaude, egoitarik ere ez dugu eta. Laguntzak eskatzen hasi gara, une honetan lagun bi baino ez ga-

biltzalako honetan lanean. Aparteko gure lana ere badugu, aldi berean. Ideia mordoa dugu, baina baliabideak falta zaizkigu.

**Hala ere, gauza asko egin duzue; besteak beste, kamisetak, zapiak, saioak eskoletan, 'Tabuen kutxatik oholtzara', eta podcasta ere bai.**

Lan martxa frenetiko dugu. Modu informal batean hasi ginen, baina oso lan txukuna egin dugu orain arte. Metastasia duen pertsona edo 'inurri' bategaz elkartu ginen, bazkaltzeko, eta berbetan aritu ginen. Bere senarrak esan zuen han esaniko guztiak nonbait gorde beharko lirakeela, informazio baliagarri asko zegoela, eta jendeari interesatuko zitzaioela. Pentsatu genuen aukera ona izan zitekeela podcastean grabatu eta emititzea, gero gura zuenak entzun ahal izateko; azken finean, jende bati erreparoa eman diezaiotke elkartera etortzeak, eta podcasta aukera ona izan daiteke indarra emateko edo galderei

**Bakoitzak erabaki behar du norengana jo eta zein laguntza mota eskatu, baina, inork ez du eskaintzen Inurri eskaintzen duena**

erantzuteko. Diru laguntza eskatu genuen, eta lortu genuen. Gero, Argia aldizkariaren saria heldu zen. Eta horrek bigarren denboraldia grabatzeko indarra eman digu. Zapien kontua nire amagaitik bururatu zitzaidan. Edozein produkturi 'onkologiko' berba gehituz gero, izugarri garestitzen da; kasu honetan, gainera, iruditzen zitzaidan itsusiak zirela, edo minbizi azpimarratzen zutela, eta, horregaitik, zerbait egitea pentsatu nuen. Hori dela eta, zapi koloretsua ipini genuen martxan. Zapiak koloretsuak dira, kotoizkoak, eta musuak dituzte marraztuta. Berez zapiak badira ere, pareo lez erabili daitezke, gerriko lez, edo buruan ipini daitezke, jakina, baina ez da nabarmen geratzen gaixoentzat dela. Gaixorik ez daudenek ere erosi dezakete, eta gaixorik dagoenari eman. Truke hori babesa emateko modu bat da. Badaude laguntzeko beste modu batzuk ere; adibidez, bazkide izatea. Onurak ditu bazkidearentzat, eta guretzat laguntza izugarria da. Bazkide dezente egin dugu urteotan. *Merchandisinga* ere badugu, zaindua gainera. Tokiko produktuak dira, bertako sortzaileek eginak. Horrez gainera, gure ekintzetara etortzea ere bada elkarte babesteko modu bat. Azken finean, diruz bakarrik ez, bakoitzak ahal duen moduan lagundu dezake. Denen laguntza da ondo etorria, baina erakundek lagundu beharko lukete, batez ere.

**BERRIZ • ARITZ MALDONADO**

**Ikuspegi feminista eta eraldatzaile batetik minbiziari buruzko dibulgazio lana eta, nagusiki, akonpainamendua eskaintzen duen elkarteak Inurri. Lasarte-Orian sortu zuen Julene Illarramendik, gaia sozialki normalizatzeko eta minbiziaren inguruko tabuak desagerrarazteko. Hainbat ekitaldi antolatu dute urteotan; besteak beste, abenduaren 3an Berrizen egingo duten 'Tabuen kutxatik oholtzara' bertso saio solidarioa.**

**Inurri gabezia batzuk betetzeko sortu zenuten.**

Inurri istorio pertsonal batetik sortu zen. Nire ama minbiziak jota hil zen, orain sei urte. Bularreko minbizi metastasikoa zuen. Nik hamar urte nituenean gaixotu zen. Hamar urteko prozesu baten ondoren, nik hogeitau urte nituela hil zen. Esaten den moduan, hemen jarraitzen badu, pertsona ez da hiltzen, eta nik gogoa nuen zerbait egiteko, amagaitik ere bai. Berba egin gura nuen hamar urteko prozesu horretan izandako gabeziei buruz. Besteak beste, bularreko minbiziaren kolore arrosa ez zeterren bat amagaz, ezta nigaz eta beste emakume batzuekin ere. Ondorio horretara heldu ginen gure artean berba egin eta gero. Eta, neurri batean, ondorio horretatik sortu zen Inurri.

**Tabua da oraindino minbiziak?**

## AZAROAK 25 EGITARAU

EMAKUMEEN AURKAKO INDARKERIAREN AURKAKO NAZIOARTEKO EGUNA

### AZAROAK 12

Bakarrizketa umoretsua (euskaraz): **MAGMA MIA!** (Beatriz Egizabal) "Haserre nago, sutan nago, irakiten nago..."

20:00etan Berrizko Kultur Etxean  
6€ (bazkideak 4€)

### AZAROAK 13-17

(astelehenerik-ostiralera)  
Tailerra (euskaraz, gaztelaniaz, arabiarrez, frantsesez): **EHULEAK INDARKERIA SEXISTAREN KONTRA** - Indarkeria sexistak korapiloak askatzen hasiko gara sororitatearen ehurtzen dugun bitartean

16:30etik-18:30era  
Olakueta Etxea (4. etxea)  
- KULTURARTEKO JARDUERA herriari irekia. Tea eta pastak. Boluntarioak behar dira kaborratza eta puntua irakasteko.

**Antolatzaileak:** Olakueta Etxea + Orekatuz.EDE, Emakume Migratuak, Berrizko Udala  
Haurtzaindegi zerbitzua

### AZAROAK 16 eta 17

Tailerra (gaztelaniaz): **INDARKERIA MATXISTA GAITZESTEKO PANKARTA KOLEKTIBOA** (FEMGARABAT Kontakizun grafiko feminista)

Kultur Etxean. 3. solairua  
I. saioa: 16a, osteguna,  
17:30etik-20:30era

II. Saioa: 17a, ostirala,  
16:30etik-20:30era  
Doan

**Informazioa:** Berdintasun saila

berdintasuna@berriz.eus

946 82 40 36

### AZAROAK 23

Kontzertua (euskaraz): **ALARMA MOREA** Euskal-runba egiten duten emakume gazte feministen taldea

20:00etan Berrizko Kultur Etxean  
6€ (bazkideak 4€)

### AZAROAK 25

18:00etan Giza-Katea herrian zehar  
**Deitzaileak:** Gure Izarrak, Berrizko Emakume Migratuak, Azeri Gorriak, Enai, Hiltegitx

Informazio gehiago, antolatzaileen komunikazio kanaletan  
**Berrizko Udala deialdira batuko da**

**Herritar orori dei egiten diogu ekintzan parte har dezan!**



### ABENDUAK 3

(EUSKARAREN NAZIOARTEKO EGUNA)  
Bertso saio solidario musikatu (euskaraz):

**TABUEN KUTXATIK OHOLTZARA** (Inurri Elkarteak)

**Bertsolariak:** Miren Amuriza, Alaia Martin, Oihana Bartra eta Iruri Altzerreka  
**Gai-jartzailea:** Amaia Agirre

18:00etan Berrizko Kultur Etxean  
8€ (bazkideak 6€)



# Minbizia ardatz duen 'Tabuen kutxatik oholtzara' bertso saio solidarioa Berrizko Kultur Etxean izango da

Miren Amurizak, Iruri Altzerrekak, Alaia Martinek eta Oihana Bartrak kantatuko dute; saioa abenduaren 3an izango da

**BERRIZ** • A. M.

Julene Illarramendiren esanetan, Inurrik hasieratik eduki ditu ideia desberdinak, eta, egin ahala, berriak pentsatzen eta gauzatzen joan dira. Horrela,

'Tabuaren kutxatik oholtzara' bertso saio solidarioak antolatzeari ekin zioten. Elkartasun ekimen honek berezitasun bat du: gaiak minbizia dutenek, lehenago izan dutenek, edo

gaixoen kide edo laguntzaile direnek proposaturikoak dira, gero Amaia Agirre gai jartzailak plazaratzen dituenak. Berriz abenduaren 3an egingo dute saioa, eta bertan Miren

Amuriza berriztarrak, Iruri Altzerreka garaitarrak, Alaia Martinek eta Oihana Bartrak kantatuko dute. "Ezin da berbaz azaldu saio hauetan bizitzen dena, esperientzia desberdin bat



'Tabuaren kutxatik oholtzara'.

**Saio bakarra egiteko helburuagaz antolatu zuten arren, ia hogeit hamar saio antolatu dituzte guztira**

dira. Gora eta behera eramaten zaituzten bidaiak dira, hustu eta bete egiten zaituztenak. Umorezko gaiak daude, barrea eragiten dutenak, baina badaude gogorrak ere, negarra eragiten dutenak. Oso saio bereziak dira", azaldu du Illarramendik.

2022an ekin zion Inurri elkarteak ekimen hau prestatzeari, Ane Labaka bertsolariaren laguntzagaz. "Elkartasunezko

bertso saio bakarra egitea zen asmoa, eta urtarrilean egin genuen, Donostian, Doka aretoan. Sarrerak zazpi minutuan saldu ziren, eta jendea gogotsu geratu zen", esan du Illarramendik.

## Lehehengoa Dokan

Saio hori egin eta gero, beste hainbat egin dituzte, "hogeit hamar saio", azaldu du gipuzkoarrak. Boluntarioen eta udalen lana goraipatu du, eta eskerrak eman dizie horiei. Baina uste du instituzioetatik gehiago egin daitezkeela: "Norbanakoek laguntzea oso garrantzitsua da, eta bakoitzak ahal duena eginez lagundu dezake. Baina garrantzitsua da laguntza hori erakundeetatik ere ematea". Berrizko Kultur Etxeko emanaldirako sarrerak 8 euroan daude salgai.

Berrizko saioan lau emakume izatea ez da kasualitatea. "Minbiziak inposatzen duen isiltasun eta estigmari emakume izateari loturikoa gainjartzen zaio. Euskal kulturaren eremuak, tamalez, emakume ahotsaren espazio eta prestigio falta nabarmena izan da historikoki, eta gure proiektuak egoera horretan ere eragile izan gura du", azaldu du Inurrik.

# Zal di bar

## AZAROAK 25

**EMAKUMEEN KONTRAKO INDARKERIA  
DESAGERRARAZTEKO NAZIOARTEKO EGUNA**

### ASTE OSOAN ZEHAR

- Liburutegian, emakumeenganako indarkeriarekin zerikusia duten liburuak.

### AZAROAK 24

- 18:00etan liburutegian "Volar" dokumentalaren emanaldia eta berbaldia Bizitu elkartearekin.

- Eskolako umeei egindako borobil morea ikusgai eskolan.

### AZAROAK 25

- Eskolako umeei egindako borobil morea ikusgai udaletxeko plazan.  
- 13:00etan Udaletxeko plazan, elkarretaratzea, Dominika talde feministak antolatuta.



**Zaldibar**  
Elizateko  
Udala

# “Zaintza baldintza txarretan eta aitortu barik dago, ikusezin bihurtuta, arrazializatuta eta prekarizatuta”

Mugimendu Feministak greba feminista orokorrera deitu du azaroaren 30erako. Durangaldean ere mobilizazioak aurreikusi dituzte

GREBA A30 • EKAITZ HERRERA

Durangaldeko Mugimendu Feminista buru-belarri dabil azaroaren 30erako deituriko greba feminista orokorra antolatzen. Zaintza deialdiaren erdigunean ipini dute. Zaintza zerbitzuak "gutzit pribatizatuta" daudela salatu dute, eta erakunde publikoek emakumeen gain uzten dituztela zaintza lanak.

**Zeintzuk gabezia ditu zaintza sistematik?**

Hasteko, ez dago zaintza sistema publiko bat. Zaintza lanak guztiz feminizatuta eta pribatizatuta daude, merkatuaren eskuetan. Merkatura heltzeko aukerarik ez duenak familiaren eskuetan uzten du, eta, ondorioz, emakumearen eskuetan. Zaintzak bizitza osoan zehar eskubide bat izan behar direla aldarrikatzen dugu, eta sistema publiko bat behar dugula eskubide hori bermatzeko. Sistema publiko batek eutsi diezaioke bakarrik eskubide horri, eta, aldi berean, inguru edo komunitate batek. Zaintza lanen egoera zelakoa den aztertzeaz gainera, proposamena planteatzen dugu.

**Praktikan zeintzuk egoera planteatzen dira?**

Etxeko langileek ez dute lan esku-biderik. Oso baldintza prekarioetan bizi dira. Era berean, familia askotan, emakumeen eskuetan



Durangaldeko Mugimendu Feministako kideak.

# Emakume migratuen kontrako indarkeria matxistarik ez!

**Emakume migratueganako Indarkeria matxistari buruzko hitzaldi zikloa**

DOAN / 18:00 / ITURRI KULTUR ETXEA



**AZAROAK 20**

Emakume migratuen aurka egiten diren indarkeria matxistak.

**Jeanne-Rolande Dacouagna Minkette**

Biltzen, Integrazioarako eta Kultura arteko Bizikidetzarako Euskal Zerbitzua.



**AZAROAK 21**

Emakume migratuen aurka erabiltzen diren arrazakeria, estereotipoak eta aurreiritziak.

**Maider Query Avaristo.**

Arrazakeriari buruzko hausnarketa-taldean dinamizatzailea. Emagin, Formazio eta Ikerketa Feminista Elkarte.



**AZAROAK 22**

Etxeko eta zaintzaren eremuko emakume migratu langileen kontrako indarkeriak.

**Silvia Ismara Zúniga Munguía**

Emakume migratuen talde-dinamizatzaile eta laguntzailea Sortzen Aholkularitzan.

**AZAROAK 25  
MOBILIZAZIOA:  
INDARKERIA  
MATXISTARIK  
GABEKO HERRIA**



**ASANBLADA FEMINISTA:  
13:00etan, herriko plazan.**



Gehiago jakiteko



geratzen da. Ulertzen dugu zaintza ez dela pardelak aldatzea, gure bizitzako arlo guztiak zeharkatzen dituen zerbaite baino. Denean dago, eta denean baldintza txarretan eta aitortu barik; ikusezin bihurtuta, arrazializatuta, prekarizatuta... Langileen baldintzak txarrak dira, eta, beraz, zaintza hori jasotzen duen pertsonaren egoera ere ez da duina, ezin delako bermatu. Zaharren egoitzetako egoeraren berri jasotzen gabiltza eta zaintzaileek oso denbora gutxi izaten dute egoiliar bakoitzagaz egoteko. Esaten digutenez, Durangoko erresidentzian orain ez dago igogailurik, eta beharginak behartuta daude materiala alde batetik bestera oinez eramatera. Oso baldintza eskasak daude eta, pribatizatu den momentuan, ez da horretan inbertitzen. Justizia eta duintasuna bermatu beharrean, etekinaren alde egiten da, enpresa pribatuen mesedetan. Gorabide ere greban egon da.



Etterik etxeko langile batzuek zaintza eskubideak aldarrikatzeko protesta egin zuten Zornotzan, joan zen martxoaren 8an.

**Badago jendea ezingo dena batu. Eurei ere aukera emango diegu moduren baten grebara atxikitzen direla, baina ezin direla batu adierazteko**

#### Zelan doa grebaren prestaketa?

Durungaldeko markoan, martxoaren 8an hasi ginen lanean. Orain, data hurreratzan dabilela igartzen da. Alde batetik, nekaztuta gaude, baina oso gogotsu bestetik. Hauxe da egiteko momentua. Sentsazioa dugu gu tinko gabiltzala honetan, baina sektore batzuetara ez dela heldu. Buru-burularri gabiltza lanean, denok gaudela deituta ikusarazteko. Batzuk ez dira interpelatuta sentitu, eta zaintza denori dagokigu. Momentu honetan, geruza denetara heldu guran gabiltza, eta bestetik, eguna bera antolatzen.

#### Erronka bat da?

Ematen duenez, lehenengo aldia da zaintzaren gaia erdigunean ipintzen dena eta horren bueltan greba deialdi orokor bat egiten dena gizonak ere interpelatuta. Ez bakarrik elkartasuna adierazteko zaintza langileei. Zaintza eskubidea denontzat behar dugu eta horrek eskubidea eta konpromisoa eskatzen ditu, denon partetik. Alde horretatik, erronka bat da jendea interpelatuta sentitzea. Emakumeok askotan atera dugu gai hau. Aurreko M8ko grebetan, Mugimenduk Feministak mahai gainean ipini zuen gai hau. Denok sentitu behar dugu beharizan hori gai honen inguruan borrokatzeko.

#### Askotan ez da ikusten herri mugimenduetan egiten den lana. Lan ikusezin hori zelan egin duzue?

Bakoitzak bere herrian egin du lan hori. Azkenengo asteetan, herrietako eragileekin batzen aritu gara. Barikuan bilera irekia egin genuen, eta denak egon ziren deituta. Atxikimendua eta greban parte hartzeko konpromisoa eskatu genizkien. Orain, dendetara, eskoletara, tabernetara, industrialdeetara eta abarretara joango gara gaia azaltzera, ahalik eta inplikaziorik handiena lortzeko.

#### Zelako erantzuna jaso duzue?

Jende askok ez du jakin greba deialdia dagoela. Beste batzuek pentsatu dute emakumeen greba dela. Denerik ikusi dugu. Beste kasu batzuetan oso motibatuta egon dira, greban parte hartzeko prest.

Durangoren kasuan, harrera ona egon da. Bakoitzak egunerokotasunean egiten duen inurri lana ere azpimarratzekoa da, auzokideagaz edo lankideagaz. Edozein momentu aprobetxatzen dugu gai horri buruz berba egiteko.

#### Zer antolatzen zabilzate?

Grebara nortzuk batu ez diren ikustera joango gara goizean, eta nortzuk ezin izan diren batu. Hori ere bada greba honetan kontuan hartuko dugun puntutariko bat. Badago jendea ezingo dena batu, eta eurengana ere joango gara. Eurei ere aukera emango diegu moduren batean grebara atxikitzen direla baina ezin direla batu adierazteko. Horiei elkartasun piketeak deitu diegu.

#### Berba egiten duzue Zumaiako agerrialdaren harira?

Hau planteatu genuen momentuan, bagenekien zaintza espa-

rruan grebara deitzeak eztabaida ekarri zezakeela. Greba egitea pribilegio bat izan daiteke batzuek ez daukatelako aukerarik. Greba egitea eskubide bat da, baina batzuek eskubide hori ez duten neurrian, pribilegio batetik berba egiten dugu. Hala ere, oso presente ditugu greba egin ezin dutenak baina egun egun aurpegia ematen dutenak. Bizitzari eusten diona zaintza bada, argi dago ezin dela gelditu. Besokoak banatuko dizkiegu greban parte hartu ezin dutenei baina grebagaz bat egiten dutenei.

**Etxeko langileek ez dute lan eskubiderik. Oso baldintza prekarioetan bizi dira. Familia askotan, emakumeen esku geratzen da**

#### Prestatu duzue egitaraurik herririk herri?

Goizean piketeetan, eguerdian mobilizazioaren batean, eta gero bazkalorduan batuko gara. Egun osoan zehar egongo gara kalean. Arratsaldean ere egingo ditugu mobilizazioak. Bizkaian mobilizazio handi bat egongo da Bilbon, eta beste bat Durangon. Oraindino erabakitzeko daukagu ea eskualdean Durangon zentralizatuko dugun ala beste herri batzuetan ere egingo den.

#### Abenduaren 1etik aurrera, zein bide urratzea gura zenukete? Zein oinarri ipiniko du grebak?

Greba egunean zuzenean instituzioak interpelatuko ditugu, eta herri akordioan baturiko aldarrikapenekin aldaketak egiteko eskatuko deigu. Fase bat eratzen ahaleginduko gara. Herrietan sor-

tu diren espazioetan ere pentsatu beharko da zer egin, badagoelako zeren alde borrokatu, zer landu eta zer sortu.

Zaintza langileei aitortza berezi bat egingo zaie goizean, prozesuaren hasieratik daudelako parte hartzen. Zornotzan, esate baterako, etxerik etxeko langileak antolatuta daude. Euskal Herrian ere antolatuta daude eta eurekin

elkarlanean pentsatu da prozesua eta erabaki greba egitea, nahiz eta batzuek jakin ezingo dutela greba egin. Historikoki daramaten borroka hor dago.

#### Zein mezuzag amaitu gura duzue?

Deialdietara, bileretara, atarietara, kartelak ipintzera deitu gura dugu jendea. Kalera irtetera eta mezua zabaltzera, bakoitzak bere inguruan.

## Iurreta 2023

Azaroak 25

**AZAROAK 20**

18:00 Ibarretxe Kultur Etxea

**KULTURARTEKO IKUSPEGIA EMAKUMEEKIKO /PERTSONA MIGRATUEKIKO HARREMANAK**

INFORMAZIOA ETA SENTSIBILIZAZIO SAIOA (bertako emakumei zuzendua)

BILTZEN - GIZARTERATZA ETA KULTURARTEKO BIZIKIDETZAREN EUSKAL ZERBITZUA

Izen-ematea azaroaren 15erarte

**Emakumeenganako Indarkeria Ezabatzeko Nazioarteko Eguna**

**AZAROAK 24**

Pegatinak eta puntu moreen banaketa

Liburutegian interesgunea

**Ibarretxe Kultur Etxea**

18:00 BELDUR BARIK LEHIAKETA 2023 BIDEAK PROJEKTATU ETA SARI BANAKETA

19:00 HELDUEN IPUIN KONTALARIA (euskaraz) **MAITE FRANKO**

"Emakumeak maite zituzten herria"

**AZAROAK 23**

18:00 Ibarretxe Kultur Etxea

**ZINEFORUM ANDEREBIDE EMAKUMEEN ELKARTEA**

**AL DESCUBIERTO (2022)**

**ABENDUAK 16**

10:00 Goiuria Kultur Gunea

**AUTODEFENTSA FEMINISTA**

Eguneroko bizitzan pairatzen diren eraso matxistei aurre egiteko estrategiak LANTZEA

Izen-ematea abenduaren 12zarte

**AZAROAK 25**

12:30etan Askondo

**ADIERAZPEN INSTITUZIONALAREN IRAKURKETA**

Herriko elkartei eta norbanakoei irakurketan parte hartzeko gonbidapena

Ondoren, **MANIFESTAZIOA**

Ondoren, **HERRITARREN SORKUNTZA IRAKURKETAK/AHOZKO ADIERAZPENAK/COLLAJE**

Jarraian **MOKADUTXOA**

ARGIBIDE GEHIAGO

Ibarretxe Kultur etxea

gizarte-ongizate@iurreta.eus edo Tel: 94 621 53 72



buru-hauste zekarrenik. Kanpotik barrutik baino zati bat errazagoa ematen du, baina, tira, ea zelan irteten duen.

**Eta zer dela-eta animatu zara lasterketa antolatzera?**

**A.M.:** Orain arte, taldean Sonia egon da presidente karguan, eta aurten Bikanek erreleboa hartu eta Eneko Lambarri eta biok ere zuzendaritzan sartu gara. Beraz, ardurak hartzea egokitu zaigu, eta denean ekitea.

**S.O.:** Aurten aldatu egin dugu zuzendaritza taldea, eta gazteagoak sartu dira. Lehengook ez dugu dena bertan behera utziko, baina alde batera egin eta lekua utziko diegu atzetik datozenei. Zeregin asko dute orain esku artean; horietariko bat Emakumeen Lasterketa, eta Ainarak ederto eutsi dio erronkari.

**Zuk, Sonia, zenbat urte egin dituzu Durango Kirol Taldeko presidente karguan?**

**S.O.:** Ia zortzi urte, guztira. Justu orain dela zortzi urte bueltatu nintzen atletismora, eta etorri eta berehala izendatu ninduten presidente. Taldeari lotuta jarraituko dut, baina ez dut orain arteko ardura izango. Lekua utzi behar zaie gazteei, haize berria beti datorrelako ondo. Beste egiteko modu bat dute, beste ikusker bat. Eta hori oso ona da.

**Zelako esperientzia izan da?**

**S.O.:** Oso ona. Jende mordo eza-gutu dut eta asko ikasi dut atletismoaren munduari buruz. Azken batean, atleta baino ez zarenean, jorratzen duzun atala ezagutzen duzu, baina ez beste dena. Eta benetan esperientzia ederra izan da.

**Eta zuretzat, Aina, zelako esperientzia ari da izaten?**

**A.M.:** Hasieran, beldur apur bategaz sartu nintzen, baina oso gogotsu nabil taldean. Soniak esan duen moduan, ikasteko balio badigu, bikain.

**Eta hemen duzue lehenengo erronka, Emakumeen Lasterketa.**

**A.M.:** Bai. Lasterketako ibilbideari dagokionez, aurreko urteetako bera izango da. Eta aurreko edizioetan lez, proba bi izango ditugu.

**S.O.:** 17:00etan ibilbide testimoniala izango dugu. Proba laburra izango da, herritar guztiei zuzenduta dagoena, baita umeei ere. Proba hau amaiturikoan, Emakumeen Lasterketa izango dugu. Bertan, emakumeek baino ezingo dute parte hartu, eta bost kilometro egingo dituzte korrika. Lasterketa Durangoko Ezkurdi plazan hasi eta amaituko da.

**A.M.:** Proba laburra 1,6 kilometrokoa izango da.

**Zergaitik animatu beharko lirateke emakumeak lasterketan parte hartzea?**

## “Emakumeen Lasterketan giro bikaina egoten da, egun berezia eta oso polita da”

Durango Kirol Taldeak VI. Emakumeen Lasterketa antolatu du. Azaroaren 25ean izango da, 17:00etan

**DURANGO • MAIALEN ZUAZUBISKAR**

Urtebeteko etenaldiaren ondoren, bueltan da Durangon Emakumeen Lasterketa. Eta bueltan dira baita ere Durango Kirol Taldeko kideak, indarberrituta. Beste behin ere helburu argi batez antolatu dute proba: emakumeentzako lasterketa bat izatea eta azaroaren 25eko aldarriak, hau da, emakumeen kontrako indarkeriaren aurkako aldarriak lau haizeetara zabaltzea. Proba bi izango dira azaroaren 25ean Durangon. Lehenengo 17:00etan hasiko da eta 1,6 kilometroko ibilbide testimoniala izango du. Hau amaitutakoan, Emakumeen Lasterketa hasiko da, 5 kilometroko proba. Biak Ezkurdi hasi eta amaituko

dira. Proba bi hauen inguruan berba egiteko, Durango Kirol Taldeko Sonia Oveja Salazarregaz (Durango, 1968) eta Aina Mugartegi Solozabalegaz (Markiña, 2001) batu da ANBOTO.

**Azaroaren 25erako VI. Emakumeen Lasterketa antolatu duzue. Lehenengo eta behin, zelan doa prestaketa lana?**

**Sonia Oveja:** Aurten, batez ere Aina ibili da lasterketa prestatzen, Joseba Bikandiren laguntzagaz. Eta lan hori aitortu behar zaio Ainarari.

**Aina Mugartegi:** Lehenengoz antolatzen dut honelako zerbait eta ez nuen uste horrenbesteko

### AZAROAK 25 EMAKUMEENGANAKO INDARKERIAREN AURKAKO NAZIOARTEKO EGUNA

AZAROAK 15	AZAROAK 17	AZAROAK 24
<p>¿LA FIESTA ERA ESTO? SÍ, LA FIESTA ERA ESTO</p> <p>Jaiari eta aisialdiari gertatzeko den indarkeria sexualari buruzko ikerketaren aurkezpena</p> <p>Nerea Barjola Gaztelaraz Errota Kultur Etxean 18:00</p>	<p>“LOA LOA, LAGUNA”</p> <p>Performance musikatua</p> <p>Maidier Lasa Santamaria Euskaraz Errota Kultur Etxean 20:30</p>	<p>“BIOLENTZIA MATXISTEN AURKAKO 24 ORDUKO KONPONKETA” Kale-ikusketak</p> <p>Las Kapribos Euskaraz Pino plaza 18:00</p>
AZAROAK 25	ABENDUAK 1	
<p>EMAKUMEENGANAKO INDARKERIAREN AURKAKO NAZIOARTEKO EGUNA</p> <p>Mobilizazioa</p> <p>Abadiñoko udaletik deli egiten diren parte har dezazuen Abadiñoko Mugimenduko Feministak antolatutako mobilizazioetan.</p>	<p>“EMKUMEAK”</p> <p>Antzezlanak. Euskaraldiko programazioaren zatia</p> <p>Zelako Kultur Ideiak Euskaraz Errota Kultur Etxean 19:00</p>	

**A.M.:** Orain arte, maila ezberdineko jendeak parte hartu du lasterketan. Egon dira emakumeak lehiatzera etorri direnak, baina baita lagunekin ondo pasatzera irten dutenak ere. Plan diferente bat egiteko aukera eskaintzen du. Emakumeen Lasterketan giro bikaina egoten da, egun berezia eta oso polita izaten da. Musika egoten da eta kamisetak ere banatzen zaizkie parte hartzaileei.

**S.O.:** Oso giro polita egoten da eta denentzat dago lekua. Aurreko batean galdetu ziguten ea baze goen aukerarik ibilbidea oinez egiteko. Egin daiteke, jakina, baina luze ere egin daiteke, eta aspertzeko arriskua ere badago. Azken batean, lasterketa bat da, baina edozeinek parte hartu dezakeena. Nahikoa da korrika apur bat egitea. Gainera, egun berezia da, Azaroak 25. Eta momentu aproposa da egun horretako aldarrikapenak lau haizeetara zabaltzeko.

**Zelan dago osasunez Durango Kirol Taldea?**

**S.O.:** Orokorrean, taldea oso ondo dagoela esan daiteke. Eta, gainera, neska gazteen taldea geroago eta indar gehiago hartzen dabil. Hori oso pozgarria da.

**A.M.:** Entrenatzaileek beti diote harrobia badagoela egon. Eta jen-

deak gogoia ipiniz gero eta lagun-tzak jasoz gero, mutilen mailako talde bat atera daitekeela esaten digute. Mutilak Espainiako lehenengo mailan daude.

**S.O.:** Eta neskak ere maila horretara heltzea da gure asmoa. Gaur egun, neskak Espainiako Bigarren Mailan daude, baina lortu daiteke Lehenengo Mailan egotea. Bestalde, eskolan ere

**“Niretzat erronka bat bezala izan da. Ideia pixkat ausarta zen, baina hori egiteko gogoekin nengoen”**

ume asko dugu. Horiek krosek lasterketetan dabilta parte hartzen. Eta mendiko taldeak ere baditugu, bai neskena eta baita mutilena ere. Hauek ere Lehenengo Mailan daude estatuko lasterketetan. Horiez gainera, master edo beteranoon taldea ere badugu. Hemen, emakumeok Lehenengo Mailan gaude, eta gizonezkoak ‘floyotxoago’ ditugu. Orokorrean, Durangoren moduko herri batentzat maila itzela dugu.



Aurreko edizio bateko argazkia.

**Orainurte batzuk, Taldeko hainbat kidek talde bat sortu zenuten emakumeek korrika egiten irteteko. Talde horrek bizirik jarraitzen du?**

**S.O.:** Bai, martxan jarraitzen du. Talde horrek gorabeherak izan ditu; batzuetan, emakume gehiago batu gara, beste batzuetan gutxiago, baina taldea martxan dabil, batez ere Goretti Etxegibelen eskutik. Whatsapp talde bat dugu, berrogeita hamar bat laguneko, baina gaur egun hamar bat lagun etortzen dira.

**Norbaitek parte hartu gura balu, zer egin beharko luke?**

**S.O.:** Edozein etorri daiteke, eta, gainera, inongo konpromisorik barik. Aste batean etorri zaitezkeela eta hurrengoan ez, ba, ez dago inongo arazorik. Gainera, taldetxo txikiak egiten ditugu, mailaren arabera. Horrez gainera, ariketa guztiak egokitu egiten ditugu. Beraz, etorri gura duenak zabalik ditu ateak. Eguetan batzen gara, 18:30ean, atletismo pistan.

**Beste ezer gehitu gurako zenukete elkarrizketa honetan?**

**S.O.:** Bai, hemendik eskerrak eman gura dizkiegu Emakumeen Lasterketa babestu duten denei. Durangoko hainbat enpresak konpromisoa hartu dute gure lasterketari laguntzeko, eta hori ezinbestekoa da guretzat. Ez daukagu inoren babes zuzenik proba hau antolatzeko, eta, beraz, herriko enpresa hauen laguntasuna ezinbestekoa izan dela azpimarratu nahiko genuke.

# 2023ko AZAROAK 25

EMAKUMEEN KONTRAKO INDARKERIA EZABATZEKO NAZIOARTEKO EGUNA

**Azaroak 11 eta 18**

**Ikastaroa**  
“Konektatuta zaude eta ez didazu erantzuten”.  
(Euskaraz)

15-18 urte bitarteko neskontzako

**10:00-17:00** Andragunean, Lariz Dorrea, 2.  
**Izen-ematea:**  
Andragunea – andragunea@durango.eus  
94 465 70 92

**Azaroak 23**

**Indarkeria matxistaren kontrako 12-30 urte bitarteko gazteentzako II Lehiaketaren sari banaketa**

**Lehiaketan parte hartzeko:**  
andereak@hotmail.com  
Instagram: @andereakdurango  
**17:30** Andragunean. Lariz Dorrea, 2.

**Antolatzailea:**  
Andereak Indarkeria matxistaren kontrako elkarteak.

**Azaroak 24**

**Giza katea Alde Zaharretik.**

Durangoko ikastetxeetako ikasleen parte-hartzearekin.

**Kontzertua eta A25eko abestia taldean, Alarma Morea-rekin batera: “Ez beti da ez”**

**11:30** Udaletxe plazan.

**Azaroak 25**

**Adierazpen instituzionala eta lore-eskaintza**

**Ordua:** 13:00  
**Lekua:** Eraildako emakumeak oroitzeko gunea, Ambrosio Meabe plaza.

**Mugimendu feministak antolatutako ekitaldiei buruzko informazio gehiago nahi izanez gero, adi deialdiei eta jarraitu sare sozialak**

**VI. Emakumeen lasterketa. Durango Kirol Taldea. Ezkurdi plazan.**

**17:00** Ibilbide testimoniale. Jarraian, Emakumeen lasterketa 5 km.  
www.kirolprobak.com

Emakumeen\_lasterketa  
@emakumeenlasterketa

**Azaroak 26**

**Antzerkia NEVENKA. Histrion Teatro.**

**Ordua:** 19:00  
**Lekua:** SAKG. Sanagustinalde, 12  
**Sarrerak:** 10€

Ondoren, konpainiarekin solasaldia

**2023 Beldur Barik Lehiaketa:**  
info www.beldurbarik.eus

**Abenduak 1**


**Liburu aurkezpena**  
“Autodefensa Feminista. Más allá de decir no”\*. Maitena Monroy.  
**18:30** Andragunean. Lariz Dorrea, 2.

**Abenduak 14**

**Ane Lindane “Hasta la potxola me tenéis” liburuaren egilearekin topaketa**

**Ordua:** 19:00  
**Lekua:** Andragunea.

\*Liburua salgai jada Durangoko liburu-dendetan



**Mentxu  
Ramilo Araujo**

WikiEmakumeak  
proiektuko sustatzailea

GASTEIZ | 1978

ALEA

# “WikiEmakumeak proiektuaren barruan eginiko 5.500 artikuluetatik 4.300 Durangoko taldeak egin ditu”

WikiEmakumeak proiektuko sortzaile Mentxu Ramiloren esanetan, Durangokoa da talderik "emankorrena"

hainbat lagunek elkarregaz kantatzen dutena.

## Dokumentala Zinebin aurkezteko gonbidapena sorpresa izan da?

Bai, eta hain lan profesionalen artean gurea egoteak poz itzela eman digu. Kariño eta dedikazio handiz eginiko lana da, baina baita modu boluntarioan ere, gure filosofiari jarraituta. Dokumental artanala da, proiektuan daudenen edo aritu direnen lana aintzatetsi eta eskertu gura duena. Proiektura batzeko gonbidapen bat ere izan gura du.

## Zu zeu zelan sartu zinen wikipediaren munduan?

Behin, wikipediako sarrera bat idatzi nuen eta denbora gutxira ezabatu egin zidaten. Ez zituen arauak betetzen. Hasieran asko haserretu nintzen, baina apurka ulertu nuen joko arauak zeudela eta haiei jarraitu behar niela. Espainiako Wikimediagaz hartu-emanetan ipini nintzen eta galdetu nien ea bazuten inor Gasteizen tailer bat emateko. Horrela hasi nintzen. Gerora, artikuluen estandarra zaintzeko eta artikulua ezabatzeko ardura dutenak ezagutu ditudanean, egiten duten lanaren garrantziaz jabetu naiz.

Jende askori niri gertatu zitzaizkidan gertatzen zaio: ez ditu arauak ezagutzen. Esaterako, jende asko bere buruari edo lan egiten duen enpresari buruz idatzi guran hurreztatzen da wikipediara. Baina hori wikipediako oinarritzko arau baten kontra doa: interes-gatazka. Bere bikotekideari sorpresa bat emateko hari buruz idatzi genezan eskatze ere deitu izan digute inoiz.

## Formakuntza handia behar da arauak ezagutzeko?

Batzuek gidaliburua irakurri eta erraz barneratzen dute informazioa. Beste batzuek, ni neu barne, bidean lagunduko dien norbait behar dute, azalpenak emango dizkien norbait. Joan zen asteburuan, Salamancako jardunaldi batzuetan, hainbat lekutako jendea

batu eta horri buruz berbetan ibili ginen. Hau da, hain teknologoak ez garenontzat oso garrantzitsuak direla taldeak eta batzeko espazioak sortzea. Gasteizen hilean behin batzen gara, eta Durangon astean behin. Azkenean, ikaste prozesu bat eta entrenamendua behar dira. Batzuek esaten didate: "Tira, ezin da hain gaxa izan wikipedian artikulatu bat idaztea". "Bada, errazagoa da txarto eginda dagoen bat ezabatzea", erantzuten diet. Edonor da kapaz wikipedian idazteko, baina jakintza bat eta entrenamendua behar ditu.

**Dokumentalak proiektuan dauden edo egon direnen lana aintzatetsi gura du. Proiektura batzeko gonbidapen bat ere bada**

## Noiz sortu zen WikiEmakumeak proiektua?

2015ean, Espainiako Wikimediatik tailer bat ematera etorri ziren Gasteizera. Liburu batean jasota zeuden gasteiztar emakumeen artikulua sortu genituen wikipediarako. Liburua egin zuten historialari biei baimena eskatu genien euren testuak erabiltzeko, eta baietz esan ziguten. Lau orduan 30 artikulua sortu genituen euskaraz, eta beste hainbeste gaztelaniaz. Esperientzia pozgarria eta aberasgarria izan zen, eta jarraipena eman behar geniola pentsatu genuen. Gasteizen, Leioan, Etxebarrin... batzarrak egiten hasi ginen. Euretariko batera Marisa Barrena etorri zen eta horixe izan zen Durangoko taldearen sorburua.

## Zelakoa da Durangoko taldea?

Durangokoa talderik emankorrena da. Fenomeno batzuk dira. WikiEmakumeak proiektuaren barruan

## EMAKUMEENGANAKO INDARKERIAREN AURKAKO NAZIOARTEKO EGUNA

### Azaroak 13, astelehena

#### Haurtzaroan sexu abusuen sentsibilizazioa

Tokia: Kontzejuzarra  
Ordua: 16:30-18:30  
Antolatzailea: Nahikari Emakume elkarte

### Azaroak 19, igandea

#### KLOWN

#### Antzeziana: Gerbera luchadora

Tokia: Kontzejuzarra  
Ordua: 12:30 / Hizkuntza: Gaztelera  
Gazte eta helduentzat  
Antolatzailea: Udala

### Azaroak 24, ostirala

#### Kontzentrazioa

12:00etan frontoiko aldapan  
Eskolako umeen leloak eta amaitzeko  
"Indarkeriaren kontrako abestia"  
abestuko da  
Antolatzailea: Berdintasun Kontseilua

#### Genero indarkeriaren aurkako sentsibilizazio tailerra eta eskulan tailerra azaroaren 25a aldarrikatzeko

Tokia: Kontzejuzarra  
Ordua: 16:30-18:30  
Antolatzailea: Nahikari Emakume elkarte

### Azaroak 26, igandea

#### III. Film laburren jaialdia

Tokia: Kontzejuzarra  
Ordua: 12:15-14:00  
Antolatzailea: Nahikari Emakume elkarte

### WIKIEMAKUMEAK • JOSEBA DERTEANO

Asteon 'WikiEmakumeak DONKumental KORALboratiboa' izeneko dokumentala eman dute Bilboko Zinebi jaialdian. Ikus-entzuneakoak wikipedian emakumei buruzko euskarazko edukia handitzeko lanean dabilzaten historia errepatzen du. Gaur egungo editoretatik hasita, atzera begirako bidea egiten du, sorbururaino. Eta helmugan, hau da, sorburuan, Mentxu Ramilo dago, berak ipiniriko hazitik loratu delako ondoren etorri den guztia. Politologoa, zientzia politikoan doktorea eta WikiEmakumeak proiektuko sustatzailea ez ezik, Wikimedia erakundeko Espainiako presidentordea ere bada gaur egun.

### Zelan sortu eta gauzatu da dokumentala egiteko proiektua?

Josi Sierraren ideia izan da. Urteak daramatza gure topaketetan parte hartzen, eta, behin, WikiEmakumeak taldearen historia kontatzeko dokumentalaren ideia proposatu zigun. Genealogia hori eraikitzearen ideia interesgarria iruditu zitzaidan: oraintsu hasi diren editoretatik hasi eta sorbururaino heldu arte, bidean hainbat gai jorrotzen delarik: artikulua sortzeko prozesua eta aurkitzen diren zailtasunak, bizitzako esperientziak... Bide osoa hari batek lotzen du. Abesti bat da hari hori, azkenean



MALLABIKO UDALA



5.500 artikulua egin dira guztira, eta eurretari 4.300 bat Durangon egin dituzte. Zenbateko osoaren %77. Eta seguru datu hauek zahar-  
kituta daudela, zeren eta astero idazten dituzte artikulua.

### 2016tik hona WikiEmakumeak herririk herri zabaltzeko lana nekegarria izan da?

Niretzat guztiz asegarria izan da. Joaten garen toki bakoitzean pertsona gutxi batzuei, bakar bati bada ere, proiekturako interesa pizteko gai bagara, ni asetuta geratzen naiz. Gero pertsona horrek beste bati piztuko dio interesa eta proiektua modu horretara doa hazten apurka-apurka.

### Euskal Herritik haratago, zein da egitasmo honen egoera?

Espanian 'Wikimujeres' egitasmoa dago. Horren aurretik, 2014an, Hego Amerikan antzeko proiektu gehiago sortu zen. Denok elkarregaz, gizonen eta emakumeen edukien artean wikipedian dagoen arrakala murriztea dugu helburu.

### Wikipediako euskarazko ekoizpen osotik zenbat da emakumei buruzkoa?

Euskarazko ekoizpen osoaren %26,9 da emakumei buruzkoa. Zerrenda honetako lehenengo tokiak Asturiasko hizkuntzari dagokio, %42gaz, eta ondoren euskara dator. Gaztelaniari dago-

kionez, sarrera guztien %23,3 da emakumeena. Beste bat aipatzearen, katalanaren portzentaia %20,7 da.

### Datu horiek erakusten dute euskara zerrendaren goiko aldean dagoela, baina wikipedian gizonen eta emakumeen arteko parekidetasuna lortzeko oraindino egiteko asko dagoela ere bistaraten dute.

Bai, lan handia geratzen da. Eta ez emakumeen biografien inguruan bakarrik, baita ekonomian, politikan eta bestelako esparruetan emakumeek egiten duten lana bistaratzeari dagokionez ere.

### Emakumeen gaineko biografiak egiterakoan, zelan bilatzen duzue informazioa?

Guretzat oso garrantzitsua da komunikabideek emakumeen gaineko istorioak lantzea, gure informazio iturri direlako. Edo erakundeek euren herrietako emakumei buruzko ikerketak finantzatzea, ikerketa horiek beste informazio iturri inportante bat direlako. Azkenean, lan kolaboratibo bat da.

### Espaniako Wikimedia erakundeko presidenteordea zara. Zelako esperientzia izan da orain arte?

Jende asko eta munduko esperientzia desberdinak ezagutu ditut. Nire ikusmira handitzeko ere balio izan dit. Ni emakumeen biografiak egiten hasi nintzen eta arlo horretan dagoen arrakala garran-



Mentxu Ramilok herriz herri dauden taldeentzako trebakuntza saioak ematen ditu.

tzitsua dela eta berau ixteko lan egin behar dugula iruditzen zait, baina Wikimediako batzordean nagoenetik beste arrakala batzuk deskubritu ditut. Esaterako, hizkuntzen arteko arrakala. Orain dela urtebetetik hona, Extremadurako hizkuntzan idazten duen komunitate txikiari laguntzeko ahalegin berezia egiten gabiltza; jende berria batu dadin eta hiz-

kuntza horretako eduki kopuruak gora egin dezan. Eta oraingoz lana bere fruituak ematen ari da.

### Zein beste arrakala identifikatu duzu?

Oso garrantzitsua iruditzen zaidan beste arrakala bat landa eremuari dagokio. Baserrireremuko artikulua gutxi dago hiriekin eta beste eremu mota batzuekin alderatuta. Esaterako, Araban proiektu

bat hasi dugu gabezia horri aurre egiten ahalegintzeko. Herririk herri jende berria bilatzea da gure helburua, euren herriko edukia sortuko duena. Herri batzuei buruz wikipedian dagoen edukia hiru-lau esalditara mugatzen da eta euren ondarea, historia, natura, jaiak... wikipedian egotea garrantzitsua dela uste dugu. Lan hori egiten ere bagabiltza.

# EMAKUMEEN AURKAKO INDARKERIARI EZ

azaroak  
25

AZAROAK 21

Zornotza Aretoa | 20:00 Zinekluba "Creatura" de Elena Martín Gimeno

AZAROAK 23

Zelaieta | 18:00 Hitzaldia: "Nola Hitz egin gure seme-alabekin sexualitateari buruz" **Oharra:** Aldez aurretik izena eman gabe

AZAROAK 24

Ludotekan, arratsaldean Emakumeen Indarkeriaren kontrako Murala eta Emakumeen Memory jolasa

Gazte Txoko+ Imanen tailerra (txapak)

AZAROAK 25

Herriko Plaza | 12:00 Erakunde adierazpena

Zornotza Aretoa | 20:00 "11 emakume 11 istorio", Amorebieta-Etxanoko emakumei buruzko dokumentala

Liburutegian Ipuin kontalaria, Mireia Delgado, "Nire izena, zure izena, gure izena. Nire ahotsa, zure ahotsa, gure ahotsa"

**Oharra:** Izena Gazte Informazio Bulegoan eman behar da.

Gazte Txoko + Gauero Indarkeriaren kontrako eskulana. Emakumeen Memory jolasa



Informazio gehiagorako  
[berdintasuna@amorebieta.eus](mailto:berdintasuna@amorebieta.eus) edo 946 300 002 zenbakira deitu.

**OHARRA:** Udalak babestu egiten ditu elkarte feministek deituko dituzten manifestazio eta ekintza guztiak, eta hauetara joateko gonbita egiten du.

